



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CV. Nullitas deputationis Vicarii in Oppido Scorgio, aliisque locis Ducis  
Sabaudiaë per Episcopum Vigintimilien.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



CV.

Declarantur nulla Deputatio Vicarii in Oppido Saorgio, aliisque locis Ducis Sabaudie subiectis per Episcopum Vintimilien., ejusque Provocatio ad d. Ducem, & Senatum Nicien. nec non horum Beneficium, mandatum, & Decretum, cum prohibitione exercitii Vicariatus, & præcepto illius revocationis.

*Const. præced. declarata fuit nulla Deputatio Judicis, & Oeconomii in Abbazia S. Benigni. Et Const. ed. 1712. Jul. 9. P. 12. Declaratur nullum Decretum a potestate Saculari Nicien. super solutione ab Ecclesiasticis faciendam.*

CLEMENS PAPA XI.

*Ad futuram rei memoriam.*

**C**um, sicut accepimus Venerabilis Frater Carolus Maria Episcopus Vintimilien. die 8. Octobris proxime præteriti dilectum filium Præpositum Dominicum Carolum de Rubiolis in loco de Saorgio Vintimilien. Diocesis Jurisdictioni temporali dilecti filii Nobilis Viri Victorii Amedei Sabaudie Ducis, & Pedemontis Principis subiecto Vicarium in Partibus cum facultate non solum in dicto loco de Saorgio, sed etiam in aliis locis dictæ Diocesis temporali Victorii Amedei Ducis Jurisdictioni hujusmodi subditis justitiam in omnibus causis contentiosæ jurisdictionis ad Forum Ecclesiasticum spectantibus tam Civilibus, quam Criminalibus, & mixtis, itaut ab illius sententiis, seu judicatis appellatio ad Curiam Episcopalem Vintimilien., aut ad ipsum Carolum Mariam Episcopum dari, dictorumque locorum incolæ, & habitatores ad dictam Curiam Episcopalem in prima instantia, nec etiam in gradu appellationis trahi nequeant, administrandi, nec non quoad ea, quæ voluntariam Jurisdictionem concernunt dispensandi, ac alia omnia, quæ immediata dicti Caroli Mariæ Episcopi cognitione non indigent, neque ab ordine, & Characterè Episcopali dependent, & consequenter primariis ad Christianissimum confessiones audiendas, divinique verbi prædicationem admissionibus, Beneficiorum Ecclesiasticorum Collationibus, Monitoriorum Concessionibus, ac iis, quæ ad Clericorum ordinationes spectant, & recognitionibus dispensationum matrimonialium exceptis, eidemque Carolo Mariæ Episcopo reservatis faciendi, & exercendi per suas patentes literas deputaverit, & constituerit. Et successive die 16. ejusdem mensis post apprehensam multo ante Ecclesie Vintimilien. possessionem supplicem libellum manu propria subscriptum dicto Victorio Amedeo Duci, ut illius beneficium, seu approbationem pro capiendis locorum prædictorum possessione obtineret, porrexerit, intuituque deputations Vicarii per eum sicut præmittitur factæ in eodem supplici libello ab ipso Victorio Amedeo Duce petierit, ut sequester super fructibus, & redditibus mensæ Episcopalis Vintimilien. in Dominio, seu statu ejusdem Victorii Amedei Ducis existens, attentare, & violenter appositum pro rata fructuum, & reddituum hujusmodi a die ipsius præfectionis in Episcopum dictæ Ecclesie Vintimilien., non autem tempore quo Venerabilis Frater Ambrosius Episcopus Lunen. Sarzanen. dictæ Ecclesie Vintimilien. antequam ad Ecclesiam Lunen. Sarzanen. prævia ipsius absolute a vinculo quo eidem Ecclesie Vintimilien. tenebatur a Nobis auctoritate Apostolica translatus fuisset, præerat, decursorum removeretur; ac die 18. ejusdem mensis a dicto Victorio Amedeo Duce non solum prædictum ejus beneficium, seu approbatio-

nem pro capiendis locorum possessione, verum etiam mandatum Senatui Nicien. in Oppido Oneliæ residenti directum pro quocumque impedimento removendo, ac dictis fructibus, & redditibus pro rata prædicta libere relaxandis obrinuerit, nec non in executionem mandati hujusmodi per suum Procuratorem apud dictum Senatum Nicien. institerit pro sequestri remotione, ac fructuum, & reddituum libera relaxatione hujusmodi, ac denique die 10. Novembris, etiam proxime præteriti rescriptum, seu Decretum desuper ad sui favorem a Præsidente, & Judicibus ultimarum appellationum nuncupatis in eodem Oppido Oneliæ residen. propter prædictam tamen deputacionem Vicarii, illiusque intuitu, & ratione reportaverit, & alias prout in literis deputacionis, supplici libello, rescripto, mandato, & Decreto prædictis, quorum tenores non approbandi sed penitus, & omnino reprobandi animo præsentibus pro plene, & sufficienter expressis, & insertis haberi volumus plenius respectively continetur. Porro dicta Vicarii deputatio cum prænarata facultate contra expressam mentem, & intentionem nostram, & postquam dicto Carolo Mariæ Episcopo tum indebitum prædicti Victorii Amedei Ducis Vicarium Generalem, vel alium Officiale, qui in dictis locis omnem Jurisdictionem contentiosam absque recurso, seu appellatione ad ipsummet Carolum Mariam Episcopum, & private quo ad illum, dictamque ejus Curiam Episcopalem, etiam in prima instantia exercere posset, deposcentis, præteritionem tum nostram præteritioni hujusmodi oppositionem significaveramus, facta fuerit, ac per eam dicta loca a Diocesi Vintimilien. fere separata, & a Jurisdictione prædicti Caroli Mariæ Episcopi non sine notabili rectæ administrationis Justitiæ, conservationis disciplina Ecclesiasticæ, & Divini Cultus præjudicio, quasi independentia remaneant, ac tam eadem Vicarii deputatio, & supplices libelli, & recursus per dictum Carolum Mariam Episcopum ad laicalem potestatem facti, quam rescripta, mandata, seu Decreta prædicta a Victorio Amedeo Duce, & Senatu Nicien. respectively emanata, ut præfertur, Sacrorum Canonum, & Constitutionum Apostolicarum dispositioni adversentur, ac libertatem, Jurisdictionem, & immunitatem Ecclesiasticam manifeste lædant, magnumque dictæ Ecclesie Vintimilien., & Apostolicæ Sedis juribus præjudicium afferant. Hinc est, quod nos, qui libertatis, ac Jurisdictionis, aliorumque jurium Ecclesiasticorum assertores in Terris a Domino constituti sumus Ecclesie prædictæ Vintimilien. dictæque sedis jurium hujusmodi indemnitati providere, ac tam gravibus, & scandalosis illorum læsionibus, quantum Nobis ex alto conceditur occurrere cupientes, ac omnium, & singulorum in præmissis tam a Carolo Maria Episcopo, quam a Victorio Amedeo Duce, & Senatu Nicien., aliisque supradictis per se, vel alios quoscumque quomodolibet actorum, & gestorum seriem, Causas, & occasiones, aliave qualibet, etiam specificam, & individuum mentionem, & expressionem requirentia, præsentibus pro plene itidem, & sufficienter expressis ac exactissime, & accuratissime specificatis habentes. Motu proprio, ac ex certa scientia, & matura deliberatione nostris, deque Apostolicæ potestatis plenitudine deputacionem prædicti Dominici Caroli de Rubiolis in Vicarium cum facultate prænarata a memorato Carolo Maria Episcopo factam, ac supplices libellos, ac recursus per eum ad laicalem potestatem habitos, nec non rescripta, mandata, seu Decreta desuper a laicali potestate hujusmodi edita, ut præfertur, aliisque omnia, & singula tam a Carolo Maria Episcopo, & Dominico Carolo,

ne, & Mandatum ad Senatum Nicien. pro remotione sequestri.

Decretum d. Senatus pro remotione sequestri.

Supra relata advertantur expresse voluntati Pontificis, a libertate, Jurisdictioni, & immunitate Ecclesiasticæ.

Declaratio nullitatis prædict. omnium cum eorumdem revocatione.

Dat. 3. Jan. 1711. An. 11.

Deputatio Vicarii in Oppido Saorgio, aliisque locis Ducis Sabaudie subiectis cum plenaria facultate an. 1710. facta.

Provocatio per Episcopum ad Ducem pro capiendis locorum, atque remotione sequestri super partem fructuum Episcopatus.

Beneficium Ducis pro capiendis d. possessio-



quam a Victorio Amedeo Duce, & Senatu Nicen. prædictis, seu eorum respective jussu, mandato, vel nomine ab aliis quibuscumque etiam specifica, & individua mentione, & expressione dignis in præmissis, & circa ea quomodocumque, & qualitercumque acta, facta, gesta, mandata, decreta, ordinata, vel dispensata, ac forsan in futurum (quod Deus avertat) agenda, facienda, gerenda, mandanda, decernenda, & ordinanda cum omnibus, & singulis inde quovis modo secutis, & quodcumque securis, penitus, & omnino nulla, invalida, & inania, nulliusque roboris, & momenti, vel efficaciam esse, & ab initio fuisse, ac perpetuo fore, tenore præsentium declaramus, & decernimus, illaque damnamus, & reprobamus, ac ad majorem, & abundantiorum cautelam, & quatenus opus sit, illa omnia, & singula, quatenus de facto processerunt, revocamus, cassamus, irritamus, & annullamus, viribusque, & effectu, itaut nullum unquam præjudicium etiam minimum libertati, jurisdictioni, & immunitati Ecclesiasticæ, aut Ecclesiæ Vintimilien., & Sedis Apostolicæ juribus prædictis inferre, vel alias nocere, seu intulisse, vel nocuisse quomodo dici, cæseri, prætendi, vel intelligi possint, penitus, & omnino vacuumus in omnibus, & per omnia perinde ac si nunquam facta fuissent, nec evenissent, neque unquam fierent, nec evenirent. Quo circa dicto Dominico Carolo in virtute sanctæ obedientiæ, ac sub suspensionis, & excommunicationis majoris, & privationis dignitatum, & beneficiorum Ecclesiasticorum per eum obtentorum, perpetuæque inhabilitatis ad illa, & alia similia, vel dissimilia quæcumque in posterum quomodolibet obtinenda ipso facto absque alia declaratione incurrendis pœnis districte prohibemus, & interdiciamus, ne irritæ, & invalidæ deputationis prædictæ vigore præsentium Vicariatum hujusmodi, aut ullam jurisdictionum potestatem, vel auctoritatem Ecclesiasticam in locis prædictis exercere, ullumque actum jurisdictionalem facere audeat quovis modo, seu præsumat; prædicto vero Carolo Mariæ Episcopo sub pena suspensionis ab exercitio Pontificalium, & interdicti ab ingressu Ecclesiæ præcipimus, & mandamus, super publicum Edictum eandem irritam, & invalidam Vicarii deputationem, concessamque illi, ut præfertur facultatem statim, & incunctanter omnino revocet, ac in locum Vicarii hujusmodi alium Vicarium Foraneum cum facultatibus similibus Vicariis Foraneis concedi solitis, cum quibus ejusmodi Vicarius Foraneus in locis domini temporales dicti Victorii Amedei Ducis alias ab Episcopis Vintimilien. ejus Prædecessoribus deputatus fuit, deputet.

Prohibitio Vicario facta, ne jurisdictionem exerceat.

Præceptum Episcopo factum, ut revocet Vicarii deputationem. & Vicarium Foraneum de ligat.

Clausula.

§. 1. Decernentes easdem præsentibus literas, & in eis contenta quæcumque etiam ex eo, quod prædicti, & alii quicumque in præmissis interesse habentes, seu habere quomodolibet prætendentes, cujusvis status, gradus, ordinis, præminentiam, & dignitatis existant, & alias specifica, & individua mentione, & expressione digni illis non consenserint, nec ad ea vocati, citati, & auditi, neque causæ propter quas præsentibus emanarint, sufficienter adductæ, verificatæ, & justificatæ fuerint, aut ex alia quacumque quantumvis juridica, & privilegiata causa, colore, prætextu, & capite etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, seu intentionis nostræ, aut interesse habentium consensus, aliove quolibet, etiam quantumvis magno, & substantiali, ac incogitato, & incogitabili, individuumque expressionem requirente defectu, impugnari, infringi, invalida-

ri, retractari, ad terminos juris reduci, seu in controversiam vocari, aut adversus illas apertionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, seu impetrato, aut etiam motu, scientia, & potestatis plenitudine paribus concessio, vel emanato quempiam in iudicio, vel extra illud uti, seu se juvare posse, sed ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab omnibus illis, ad quos spectat, & pro tempore quodcumque spectabit, inviolabiliter, & inconcussè observari: sicque, & non aliter in præmissis per quoscumque iudices ordinarios, & delegatos, etiam Caesarum Palatii Apostolici Auditores, ac S. R. E. Cardinales, etiam de Latere Legatos, & Sedis prædictæ Nuncios, aliove quoslibet quacumque præminentiam, & potestatem fungentes, & functiones, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si fecus super his a quoquam quavis auctoritate scienter, vel ignoranter contigerit attentari.

§. 2. Non obstantibus præmissis, ac quatenus opus sit nostræ, & Cancellariæ Apostolicæ Regula de jure quæsito non tollendo, aliisque Apostolicis, ac in Universalibus, Provincialibusque, & Synodalibus Conciliis editis Generalibus, vel specialibus Constitutionibus, & Ordinationibus, nec non prædictæ Ecclesiæ Vintimilien., & aliis quibuscumque etiam juramento, confirmatione Apostolica vel quavis firmitate alia roboratis, statutis, & consuetudinibus, etiam immemorabilibus; privilegiis quoque, indultis, & literis Apostolicis quibuscumque personis, etiam quacumque Ecclesiasticæ, vel mundana dignitate fulgentibus, & quomodolibet qualificatis, ac Ecclesiis, & locis sub quibuscumque tenoribus, & formis, ac cum quibuscumque etiam derogatoriarum derogatoriis, aliisque efficacioribus, efficacissimis, & locis sub quibuscumque tenoribus, & Decretis, etiam motu, scientia, & potestatis plenitudine paribus, ac consistorialiter, & alias quomodolibet in contrarium præmissorum concessis, ac quantiscumque vicibus confirmatis, & approbatis, & innovatis. Quibus omnibus, & singulis, etiam si pro illorum sufficienti derogatione, de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma, ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata, exprimerentur, & infererentur, iisdem præsentibus pro plene, & sufficienter expressis, ac ad verbum insertis habentes, illis alias in suo robore permansuris ad præmissorum effectum hac vice dumtaxat specialiter, & expresse derogamus, ac plenissime, & amplissime derogatum esse volumus, ceterisque contrariis quibuscumque.

§. 3. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ ipsis præsentibus haberetur, si forent exhibitæ, vel offensæ.

Datum Romæ apud Sanctum Petrum sub Anulo Piscatoris die III. Januarii MDCCXI. Pontificatus nostri Anno Undecimo.

Restituitur